

- (1) Гѣда раз бу сэдүхе нэнэхэпу [при расшифровке: гатанихапу ]. (2) Сэдүхе гāнихапу Боатасино хурэ бāруни. (3) Нэнэхэпу зйиннѣ: би, би путтѣби — патала, чѣтчи гѣда ѣктѣ мапанумуна. (4) Зйиннѣ нэнэхэпу машинази. (5) Наримба, наримба — как сказать «попросили»... (6) Нарі орокчини мумбѣпѣ. (7) Нэнэхэпу. (8) Аундахапу. (9) Чѣтчи, чимай тѣгѣтчѣри, чай умигатчѣри, сэдүхе гатанихапу. (10) Сэдүхе, ану, чѣрникамба гатачипу. (11) Гатасипу, гатасипу. (12) Чѣтчи би дѣлзиви: (13) зиң бара ѣктѣл лѣдэнзичи и пурил и зиң инѣсичи. (14) Ниндал гуввѣчи. (15) Би итѣтчив пурѣ бāруни: (16) нуида ана. (17) Зиң горо итѣчихамби. (18) Моротчим: нуи бйни еду? (19) Чѣтчи ѣктѣ мапанутаини панусиви: (20) «Нуи еду бинчо?» (21) Нѣн унзини: (22) «Нуи-да ана». (23) А би дѣлзиви лѣдѣ... хѣни ѣктѣл лѣдэнзичи пурилду гѣсѣ. (24) А нѣн унзини: (25) «Ай, зиң-зиң гороло, наверное, чаду лѣдэнзичи, дѣлзипчини». (26) Би унзиви: (27) «Но бу же эмүкѣ бипу». (28) Чѣтчи путтѣтѣккѣ хаива-да ѣтчимби ундѣ. (29) Зиң суңун'ули битчини. (30) Читү, сэдүхе аңугатчѣри, тѣсугѣтчѣри, чѣтчи телефонуккѣ звонихапу, чтоби мумбѣпѣ гāнибуддѣчи. (31) Чā, хурѣ Боатасиноду илисини ану, ану, вышка телефонуңи, зиң хурѣ анудуни. (32) И лѣдѣми можно, ну телефонуки лѣдѣми. (33) Дапавки телефону. (34) Мумбѣпѣ гāнихани тар нари машинази. (35) Чѣтчи нэннѣпу, нэннѣпу машинази дукку... дукутаккѣри. (36) Инѣни еше битчини. (37) Нэннѣпу, нэннѣпу. (38) Чѣтчи тар ѣктѣ унзини: (39) «Ѣре, йекки нэннѣв!» (40) Унзини тар нари таи, шоферитаи. (41) Тар шофери нѣмбани дѣлзихани и чала нэнэхэни. (42) И бу чипа дѣтаини йхапу. (43) Машина чипа дѣтаини йхани. (44) Илихапу. (45) Хѣни-да эзилипу анно, нэннѣ. (46) Шофериңупу чи машинаби айбанзини. (47) Хѣни-да эзилипу нѣрѣ чипа дѣтаи, дѣдуни. (48) Чѣтчи нѣн унзини, тар шоферу: (49) «Буятчусу мѣва. (50) Ѣксѣфсу машина пѣззѣккѣни». (51) Бу буятчипу, буятчипу мѣва, машина пѣззѣккѣни ѣксѣмѣри, ѣксѣмѣри. (52) А машинаңучи хѣни-да эзилини чипа дѣдуни, ѣсини нѣрѣ. (53) Чѣтчи... а гороло мѣва гāними — нѣлепу боѣзи. (54) Зихуддѣк хурѣ нā, нā же, нā битчини. (55) Чѣтчи чи ѣксѣтчипу, ѣксѣтчипу машина пѣззѣккѣни. (56) Уже долбодулухани. (57) Уже пакчира ѣтчини. (58) Би ѣктѣтаи унзиви: (59) «Си байтаси тари. (60) Хаи надо тар шофер тараңачи утчиси? (61) Ѣси чипа дѣдуни тѣсипу. (62) Хаила-да ѣсипу нэннѣ». (63) Уже долбо, нуңзүли ѣтчини. (64) А гороло нэнѣми — нѣлѣпу боѣзи. (65) Чи машина ануkkѣни, чи ѣксѣтчипу мѣва. (66) Чѣтчи тар шофер нари ану бāруни, Вал бāруни звонирини, Вал гасатаини. (67) Унзини: (68) «Мумбѣпѣ синдаф, тѣну». (69) А тар нари унзини: (70) «Би зихуддѣк дѣксиви. (71) Хѣни-да эзиливи сумбѣпѣ гāннѣ. (72) Дѣксим хозигатчи, сумбѣпѣ гāнилапу. (73) Бу чи бозихапу. (74) Зиң нѣт суддѣк бозихапу, тар машинамба ануари, то чипа дѣтаини, а мѣва чи ѣксѣчимѣри. (75) Хѣни-да эзилипу нѣрѣ чипа дѣдуни. (76) Чѣтчи уже чимай осини.

(77) Гар нари, дэксими хозигатчи, бу мутгэи синдахани гой машинази. (78) Чōтчи мумбōпэ тōнитчини. (79) Тōтчини. (80) Тōтчини, и дукутаи нэнэхэпу. (81) Зихуддэк āлихапу. (82) Чипāl зихуддэк китарūлил бу, дукутаи исугатчэри. (83) Силтухапу. (84) Апкачипу. (85) Пит апкачипу. (86) И чōтчи толко гой чимайду мēлдухапу. (87) {обсуждение истории на русском} (88) А потом, потом, ну би нарисалду панумақтахамби. (89) И гēда мама унзини: (90) «Чаду, ча, ча нāду гэгдэк нарисал лēдэнзичи».